

**FEIRACO SOCIEDADE COOPERATIVA GALEGA**  
**BASES DA PROMOCIÓN**  
**"PROMOCIÓN TICKET DE COMPRA LETRAS GALEGAS 2021"**

**1. ORGANIZADOR E OBXECTO DA PROMOCIÓN**

Feiraco Lácteos, SL, (en adiante Feiraco), domiciliada en Ames (A Coruña), en Ponte Maceira-Agrón s/n, e con número de identificación fiscal B-15996929, realizará, con motivo das Letras Galegas 2021, unha promoción de ámbito nacional na que se sortearán 20 fundas - block 18x13 cm. (con libreta e lápiz incluídos) realizadas en coiro e con decorado personalizado de Feiraco, da artesá Cristina Valverde, dona da empresa Coiro Enxebre.

**2. ÁMBITO TERRITORIAL E PERSOAL**

O ámbito territorial da promoción comprende España Peninsular.

Poderán participar na promoción todas aquelas persoas maiores de 13 anos, con residencia en España Peninsular, que cumpran os seguintes requisitos: facer constar de forma expresa a súa vontade de participar na devandita promoción con suxeición ás condicións que se indicarán seguidamente na epígrafe 6 "participación e mecánica da promoción".

**3. DURACIÓN**

O concurso desenvolverase do luns 3 de maio ao domingo 31 de maio de 2021, ambos os dous inclusive, a través dunha aplicación específica instalada na páxina web de Feiraco: [www.feiraco.gal](http://www.feiraco.gal)

Por causa de forza maior, causa extraordinaria xustificada e razoable ou por imperativos legais, Feiraco poderá decidir, en calquera momento, a interrupción e/ou finalización anticipada desta promoción, sen que os participantes poidan efectuar ningunha reclamación.

#### **4. CARÁCTER GRATUÍTO DA PROMOCIÓN**

A promoción é gratuíta e non implica en si mesma ningún pagamento adicional pola obtención dos premios. Os custos das chamadas, mensaxes telefónicas, correo electrónico, fax ou calquera outra comunicación que deban realizar as persoas participantes que se detallan no apartado de mecánica da promoción serán á súa conta.

#### **5. PREMIO DA PROMOCIÓN**

Na presente promoción sortearase entre todas as participacións válidas recibidas 20 fundas block 18x13 cm. (con libreta e lápiz incluídos) realizadas en coiro e con decorado personalizado de Feiraco, da artesá Cristina Valverde, dona da empresa Coiro Enxebre. Valor de cada premio: 45 euros.

O gañador poderá renunciar ao premio obtido pero en ningún caso poderá canxealo por outros distintos nin polo seu valor en diñeiro. Asimesmo queda prohibida a comercialización e/ou venda do dereito a obtención do premio.

A renuncia non dará ningún dereito de indemnización ou compensación.

#### **6.- FORMA DE PARTICIPACIÓN E MECÁNICA DA PROMOCIÓN:**

Optarán ao premio da presente promoción todas aquelas persoas maiores de 18 anos, con residencia en España Peninsular que cumpran os seguintes requisitos:

1.- Estar rexistrado na rede social Facebook ou Instagram e ser fan de Feiraco

2.- cubrir o formulario de participación cos campos requeridos:

- nome e apelidos
- enderezo electrónico de contacto

- teléfono
- Centro onde adquiriu o produto Feiraco
- localidade / cidade

3.- Subir á aplicación do concurso unha fotografía dunha caixa agrupadora (6x1 litro) de leite FEIRACO enteiro, semidesnatado ou desnatado ou de leite FEIRACO SEN LACTOSA desnatado ou semidesnatado ao lado do ticket de compra de devandito produto, datado entre o 1 de maio e o 31 de maio de 2021, no que se vexa claramente a seguinte información:

Información do centro no que se adquiriu a compra

Número de ticket de compra.

Data do ticket de compra (só validos entre o días 1 de maio e o 31 de maio de 2021)

Liña de proba de adquisición dunha caixa de 6x1litro de leite FEIRACO enteiro, semidesnatado ou desnatado ou LEITE FEIRACO SEN LACTOSA desnatado ou semidesnatado.

Poderase participar tamén con ticket electrónico, facendo una montaxe na que se vexa o pack agrupador de leite xunto co ticket.

4.- Declarar que non é empregado de Feiraco nin está incluído dentro das prohibicións de participación establecidas na segunda cláusula destas bases legais.

5.- As persoas participantes que recluten a un amigo á promoción (é dicir, compartan a promoción a través da aplicación e dende ese enlace, un amigo complete un rexistro) conseguirán unha participación EXTRA.

Cada participante poderá enviar tantas participacións como considere oportuno durante o período da promoción, sempre e cando cada participación corresponda a un ticket de compra diferente.

Se nun mesmo ticket de compra hai varios agrupadores FEIRACO dos contemplados nesta promoción, o usuario poderá participar co mesmo ticket e foto o mesmo número de veces que agrupadores mercara.

Se varias persoas participan co mesmo ticket de compra serán automaticamente anuladas da promoción por entenderse que transgreden as normas de boa fe.

Consideraranse nulas, para os efectos da súa participación, aquelas inscricións que non cumpran estes requisitos ou que non faciliten a totalidade dos datos persoais requiridos. Os datos persoais facilitados deberán ser veraces; en caso de falsidade, erro ou inexactitude, as persoas solicitantes consideraranse automaticamente non admitidas na promoción.

Feiraco poderá instar a exclusión da promoción todas aquelas fotografías inapropiadas, inadecuadas ou que incumpran o establecido nas presentes bases, que puidesen atentar á dignidade das persoas ou que vulneren os valores e dereitos recoñecidos na Constitución.

## **7.- ENTREGA DO PREMIO:**

O martes 15 de xuño comunicarase o resultado do sorteo entre todas as participacións válidas, que se realizará mediante a aplicación Easypromos, e que será inapelable. Unha vez concluído o sorteo, publicarase na páxina web de Feiraco ([www.feiraco.gal](http://www.feiraco.gal)) un enlace que dirixe á aplicación do concurso co nome dos 20 gañadores e 5 suplentes. Tamén se anunciará nas redes sociais de Feiraco.

O gañador deberá aceptar o seu premio contactando con Feiraco por mensaxe privada a través das redes sociais, indicando nome, apelidos, DNI, dirección completa e teléfono de contacto. Cun prazo de 10 días laborais.

En ningún caso poderá substituírse o premio polo seu valor económico nin poderá cederse a outra persoa distinta do gañador.

FEIRACO resérvase o dereito de que o premio quede deserto, no caso de que nin o gañador nin ningún dos suplentes cumpran os requisitos citados nestas bases.

O premio serán remitido por mensaxería nun prazo de 30 días laborais.

## **8.- CONDICIÓN E RESERVAS:**

A comunicación dos datos persoais de xeito privado a través do perfil de FACEBOOK ou INSTAGRAM de fans oficial de FEIRACO, é requisito obrigatorio para que os gañadores poida recibir o premio obtido como participantes lexitimamente admitidos ao sorteo, así como a súa maioría de idade. De resultar agraciada algunha persoa que non cumpra estes requisitos a súa participación resultará automaticamente excluída e o premio outorgaráselle ao/á inmediato/a suplente.

FEIRACO descartará aquelas participacións que sexan abusivas ou fraudulentas e non se fai responsable da veracidade dos datos facilitados polos participantes. Este concurso organízase coa pretensión de incentivar e fomentar a participación de todos os consumidores, premiando a fidelidade en condicións de igualdade e con estrito respecto ao principio xeral da Boa Fe. Por ese motivo, FEIRACO excluírá automática e inmediatamente del a calquera participante que transgrida as normas da boa fe, observe unha conduta mendaz ou inadecuada, empregue medios fraudulentos ou incumpra estas bases en calquera dos seus extremos, en caso de que as irregularidades, ou calquera outras, se detecten con posterioridade á entrega efectiva dalgún dos premios, FEIRACO resérvase o dereito de exercitar as accións legais pertinentes contra o seu autor ou responsable, entre outras, as tendentes á devolución dos premios.

Os premios da promoción non se poderán substituír por outros a petición do gañador, nin poderán ser cambiados polo seu valor en metálico. FEIRACO resérvase, en calquera caso, o dereito a mudar os elementos da promoción por outros de igual ou superior valor cando concorra xusta causa, e ademais, tamén, resérvase o dereito a anular, suspender ou modificar a promoción por FEIRACO, se por causas técnicas ou de calquera outra índole allea á vontade desta, esta non puidese cumprir co normal desenvolvemento da promoción, segundo o estipulado nas presentes bases.

O non previsto nestas bases, que se interpretarán en conxunto, rexerá a normativa legal disposta que sexa de aplicación, integrándose os baleiros ou dúbidas conforme á boa fe, usos comerciais e técnicos que resulten axeitados, e principios xerais do Dereito.

## **9.- TRATAMENTO DE DATOS PERSOAIS:**

Os datos de carácter persoal que faciliten as persoas participantes neste concurso serán tratados dando estrito cumprimento ao establecido na Ley Orgánica 3/2018, de 5 de diciembre, de Protección de Datos Personales y garantía de los derechos digitales, e no Real Decreto 1720/2007, do 21 de Decembro, polo que se aproba o Regulamento de desenvolvemento dela así como co Reglamento General Europeo de Protección de Datos.

A persoa participante coñece e consente inequívocamente que os seus datos persoais sexan tratados por FEIRACO LÁCTEOS, con domicilio en Lugar de Arufe – Agrón s/n 15864 Ames (A Coruña), e con número de identificación fiscal B-15996929, quen os usará e tratará sen que xere ningún tipo de remuneración, conforme ao previsto na lexislación vixente en materia de protección de datos de carácter persoal, coa finalidade de realizar cantas xestións sexan necesarias para o desenvolvemento do concurso.

Non obstante, este dereito poderá ser revogado no momento en que o participante estime oportuno. FEIRACO LÁCTEOS garante os seus dereitos de acceso, cancelación, oposición e rectificación, limitación do tratamento e portabilidade. Para exercer estes, o participante terá que dirixirse a Lugar de Arufe – Agrón s/n 15864 Ames (A Coruña), identificándose de forma fidedigna, para verificar a súa identidade e non poñer en risco a súa privacidade e confidencialidade; ou ben a [comite.privacidad@clun.es](mailto:comite.privacidad@clun.es).

En calquera caso, o tratamento da información facilitada como participante restrínxese á finalidade de participar neste concurso suxeito as presentes bases.

Os datos serán tratados durante a sustanciación do concurso e, unha vez finalizado este, serán gardados para a eventual tramitación de reclamacións ou queixas, relacionadas co desenvolvemento do mesmo, ou, en último término, ata que o participante exerza o seu dereito de cancelación en consonancia coa facultación para acceder aos seus datos persoais, rectificar os datos inexactos ou solicitar a súa supresión cando os datos xa non sexan necesarios. Os datos no se cederán a terceiros salvo nos casos en que exista unha obriga legal.

Vostede ten en todo caso dereito a obter confirmación sobre se estamos tratando os seus datos persoais, polo tanto mantense inalterable o seu dereito de acceso, cancelación, rectificación ou oposición.

#### **10.- PROPIEDAD INDUSTRIAL E INTELECTUAL:**

A persoa participante declara e garante ser a autora, a titular ou dispoñer ao seu favor dos dereitos de propiedade industrial e intelectual sobre a fotografía que comparte no concurso.

A persoa participante, ou quen a represente legalmente nos casos en que proceda, autoriza a FEIRACO á publicación da fotografía na páxina de Facebook, Instagram, na páxina web corporativa de Feiraco, no blog corporativo de Feiraco ou por calquera outro medio que decida FEIRACO LÁCTEOS.

FEIRACO non se responsabiliza da fotografía enviada nin dos comentarios verquidos nela polas persoas usuarias.

#### **11.- ACEPTACIÓN E DEPÓSITO DAS BASES:**

A remisión da solicitude de participación na promoción implica a aceptación da totalidade das presentes bases polos participantes. A manifestación en contrario polo participante implicará a exclusión de éste da promoción e FEIRACO quedará liberada do cumprimento da obriga con dito participante.

## **12.- LITIXIOS:**

A lexislación aplicable ás presentes bases é a española. Os participantes, con renuncia expresa de calquera outro foro que puidese corresponderlles, sométense á Xurisdición dos Xulgados e Tribunais de Santiago de Compostela. Aos efectos de calquera notificación ou requirimento que resulte necesario efectuar por calquera causa relacionada ou derivada do presente sorteo, entenderase designado como domicilio destes os que consten salientados na comunicación da participación na presente promoción.